

Jesu, corona Virginum,
 Quem mater illa concipit,
 Quæ sola Virgo parturit,
 Hæc vota clemens accipe.

Qui pergis inter lilia,
 Septus choreis Virginum,
 Sponsus decorus gloria,
 Sponsisque reddens præmia.

Quocumque tendis, Virgines
 Sequuntur, atque laudibus
 Post te canentes cursitant,
 Hymnosque dulces personant.

Te deprecamur supplices
 Nostris ut addas sensibus
 Nescire prorsus omnia
 Corruptionis vulnera.

Virtus, honor, laus, gloria,
 Deo Patri cum Filio.
 Sancto simul Paraclito,
 In sæculorum sæcula. Amen.

Te, Joseph, celebrent agmina Cœlitum,
 Te cuncti resonent Christiadum chori,
 Qui clarus meritis junctus es inclitæ
 Casto fœdere Virgini.

Almo cum tumidam germine conjugem
 Admirans, dubio tangeris anxius,
 Afflatu superi Flaminis Angelus
 Conceptum puerum docet.

Tu natum Dominum stringis, ad exteras
 Egypti profugum tu sequeris plagas ;
 Amisum Solymis quæris et invenis,
 Miscens gaudia fletibus.

Post mortem reliquos mors pia consecrat,
 Palmamque emeritos gloria suscipit :
 Tu vivens, Superis par, frueris Deo,
 Mira sorte beatior.

Pendant